



## NAJHRABRIJEM POLICAJCU U BRČKOM POČELE DRHTATI RUKE, BRIZNUO U PLAČ: Šef mu se navodno počeo smijati, na kraju zavšio...

IN REGION / BY FAKI / ON 27/10/2013 AT 11:36 /



30,732 people like this. Be the first of your friends.



Sandro Stevanović (rođen 09. 05. 1981.) koji je kao vođa Grupe za podršku Policije Brčko distrikt BiH ostvario i otkrio više krivičnih djela, te zajedno sa kolegom Nasvetom Čovićem dobio Medalju za hrabrost, danas radi kao obučar u Zanatskoj radnji "Expres" Brčko.

Njemu su Medalju za hrabrost lično uručili Fahrudin Selimović zamjenik šefa Policije Brčko distrikta BiH, Dragan Pajić bivši gradonačelnik Brčko distrikt BiH, te bivši predsjednik Skupštine Brčko distrikt BiH, kao i Ivan Krndelj bivši podpredsjednik Skupštine Brčko distrikt BiH, ali i, što je Stevanoviću posebno drago, Raffi Gregorian zamjenik Visokog predstavnika u BiH, koji je taj dan, kaže Stevanović, odgodio sastanke u Sarajevu, kako bi bio prisutan i rukovao se sa najhrabrijim policajcima Brčko distrikta BiH.



Njemu je jako žao što tom prilikom nije bio prisutan i njegov šef Polcije Brčko distrikt BiH Goran Lujčić, koji je bio na službenom putovanju u Egiptu.

A zašto se nagrađivani policajac prekvalificirao u obučara?

Razlog za to je kaže Stevanović, što je zbog neprofesionalnog rada u Policiji Brčko distrikta i narušenog zdravlja, te nekorektnog odnosa prema njemu kao službeniku brčanske policije od strane šefova, dao otkaz 05.12.2012. godine.

#### **Vodio sam najteže predmete**

Nakon rada kao vođa grupe za podršku i niza dokazanih profesionalnih sposobnosti, kao što je sprejačvanje provale u

Trgovnski Centar Oris, gdje moj kolega Nasvet Čović ranjen, a provalnik uhapšen, premješten sam u Jedinicu za profesionalne standarde, Unutrašnja kontrola. Ja sam mislio da će se u tom sektoru pozitivno i profesionalno raditi, tj. U skladu sa zakonom. Zadužili su mi najsloženije predmete i istrage : "Zločin bez kazne", Akcija "Bingo" i druge jako teške i odgovorne predmete. Često sam plakao u kancelariji i upoznao svoje kolege da mi je teško, jer sam bio psihički preopterećen i pod pritiskom, ruke su mi počele drhtati, a što je sve više narušavalo moje zdravlje. Molio sam šefa 02.07.2012. godine, da me zbog pomenutih problema premjesti na drugo mjesto, da bi šef, u prisustvu državne službenice i ja, morali ići u kancelariju kod šefa Policije brčko distrikt BiH Gorana Lujčića.

#### **Lujčić je podigo noge na sto**

Šef je u prisustvu mojih kolega cinično se smješeći, podigao noge na sto i rekao "Gdje ti je sada hrabro srce, ti si išao na pištolj". Tom prilikom sam mu pokazivao svoje predmete rada, među kojima su neki i zastarili, a on me je radi stresa i narušenog zdravlja poslao na godišnji odmor. 14.07.2012. godine u prisustvu oca i punca, a iscrpljen stresom na poslu, izgubio sam svijest i odma prebačen na Uregentni centar, gdje sam zadržan na liječenju na Odjelu za Intezivnu njegu 15 dana. Za vrijeme mog boravka u bolnici niko od šefova me nije posjetio, samo su mi došle najbliže kolege. Kada sam 22.08.2012. godine htjeo da produžim bolovanje doktorica je zahtjevala vanredni Sistematski pregled, a po nalogu šefa, jer to samo može on da traži, na osnovu Zakona o policijskim službenicima, članak 46., i obavljen je očni pregled, koji je bio uredan, a druge preglede nisu htjeli da prihvate, zato što su znali da je protivpravno.

### **Kao uzoran policajac vraćam se u službu**

Nakon završetka bolovanja, pošto sam bio uzoran, poslušan i vrijedan policajac vraćam se na posao, a šef Policije Brčko distrikta BiH me raspoređuje na Imovinske delikte, bez obzira na moje narušeno duševno stanje, i činjenicu da taj posao treba da obavlja stariji policijski Inspektor, a ne ja. Zbog svega navedenog dao sam otkaz, a šef nikada se nije sastao sa mnom na kafi, iako je inicijativu za to sam tražio i što sam očekivao.



Želim da ovom prilikom naglasim, da sam Policiju Brčko distrikta napustio zbog neprofesionalnosti u radu rukovodećih organa. Ja policiju volim i ne napadam Instituciju, nego samo pojedince, i siguran sam da više volim rad u policiji u odnosu na njih.

A što se tiče mog ocjenjivanja kao policijskog službenika, ocjenu 2,5 sam dobivao na početku rada 2002/3/4, jer na osnovu tadašnjeg staža nisam mogao dobiti veću ocjenu.

### **Na sve navedeno šef Policije Brčko distrikta BiH izjavljuje demant u kojem stoji:**

- Nije prvi puta da kolega (Sandro Stevanović op.a) pojedine informacije iznosi putem medija i da se policija sa istima upoznaje kroz medije. To dovoljno govori o ozbiljnosti ako se policija putem medija informira o optužujućim navodima, a ne kroz redovne procedure, po mom mišljenju, to je samo nanošenje štete i ugleda policiji kao instituciji, pa tako i pojedincima- kazao je.

- Ovi navodi koje je iznio bivši zaposlenik policije Sandro Stevanović još jednom će biti preispitani. Što se tiče navoda da je imao strašne pritiske od šefa policije optužujući mene kao nekoga ko je njega stalno, jednom riječju, proganjao, to kategorički demantiram jer nije tačno. To su neistine. To se na kraju može jasno i egzaktno utvrditi kroz njegov radno-pravni statut- kaže Lujić.

Dodajući da je Stevanović u policiji Distrikta bio od 2002.godine i da sve do perioda dok Lujić nije došao na poziciju šefa ove sigurnosne agencije Sandro Stevanović je imao prosječnu ocjenu 2,5.

- Od 2007.godine kada ja dolazim na poziciju šefa policije on ima prosjek ocjene 4, to su ocijene rezultata njegovog rada, pa i to govori nešto. U periodu prije nego što sam došao na poziciju šefa, Stevanović niti jednom nije bio pohvaljivan i nagrađivan, a kada sam ja došao na čelo policije on je šest puta pohvaljen i nagrađen, ne samo sa "Medaljom za hrabrost" nego i sa novčanim nagradama, pismenim pohvalama...Kada se radi o njegovom napredovanju i činovima slična je situacija – objašnjava Lujić.

Naglašavajući da je Stevanović u Policiju Brčko distrikta "došao" sa početnim činom, da bi sva unapeđenja od pozicije narednika i malađeg inspektora dobio upravo u mandatu kada je poziciju šefa Policije Brčko distrikt BiH preuzeo gospodin Goran Lujić.

- Možda je najbitnija stvar u cijeloj priči ta, da se njegov zahtjev za sporazumni raskid radnog odnosa nije dogodio ni pod kakvim pritiskom, jer se sve dogodilo sasvim normalno. On se sasvim normalno pozdravio sa kolegama u policiji. Otišao je iz svojih razloga. U ranijem periodu udovoljeno je svim njegovim zahtjevima kad god je imao osjećaj da je opterećen, izašli smo u susret u smislu korištenja godišnjeg odmora, raspoređivanja, angažiranja na pojedinim slučajevima. Tako da apsolutno ne stoje njegove optužbe na račun policije, odnosno mene kao šefa- zaključio je Goran Lujić, naglašavajući da je Sandro dok je bio u policiji svoj posao obavljao časno.

Ipak u Policiji Brčko distrikt BiH, nije sve tako crno, kao što smo pročitali u izjavi bivšeg policajca Sandra Stevanovića.Pogledajte samo jednu od niza uspješnih akcija hapšenja dilera, akciju "Arizona" i hapšenja 18 osumnjičenih lica, koji su prometovali oko 1 kilogram narkotičkih sredstava, Kokain i Heroin,te se bavili trgovinom tableta Artana (10.000 komada).

Ova i slične akcije su uspješno odrađene, i pokazuju spremnost i organizovanost policijskih službenika da u svakom momentu reaguju i spriječe kriminalne radnje, te rade na zaštiti svakog građanina i bezbjednosti u Brčko distriktu, ali iz samo Bogu poznatih razloga većina uhapšenih bude 24 sata ili pojedini i nešto malo duže u pritvoru,a onda ponovo na slobodi, do naredne medijski dobro praćene Akcije, zvučnog, kodnog naziva.

(Doznajemo.Balkandzije.Net)